

後漢書

第十六本 志

第二十九卷

輿服上

第三十卷

輿服下

漢書門類			
九〇二	四二五	六〇八	六〇
號	函	架	冊

內閣文庫	
漢書	五〇二
類	六〇
冊	二架

內閣文庫	
番號	漢 5025
冊數	60 (16)
函號	280 3





後漢書志第二十九

輿服上

戎車	獵車	安車	王輅
綠車	皂蓋車	安車	乘輿
大駕	法駕	小使車	立車
大使車	小使車	載車	駟車
車馬飾	小駕	夫人安車	耕車
	輕車	導從車	青蓋車

劉淺草注補

書曰明試以功孔安國曰效試其居車服以

庸又安國曰賜以車服以旌其德用所任也

試其言以要其功功成則言昔者聖人興天

下之大利除天下之大害躬親其事身履其

勤憂之勞之不避寒暑使天下之民物各得
安其性命無天昏暴陵之災是以天下之民
敬而愛之若親父母則而養之若仰日月夫
愛之者欲其長久不憚力役相與起作宮室
上棟下宇以雍覆之欲其長久也敬之者欲
其尊嚴不憚煩勞相與起作輿輪旌旗章表
以尊嚴之斯愛之至敬之極也苟心愛敬雖
報之至情由未盡或殺身以爲之盡其情也
奔世以祀之明其功也是以流光與天地比

長後世聖人知恤民之憂思深大者必饗其
樂勤仁毓物使不夭折者必受其福故爲之
制禮以節之使夫上仁繼天統物不伐其功
民物安逸若道自然莫知所謝老子曰聖人
不仁以百姓爲芻狗此之謂也夫禮服之興
也所以報功章德尊仁尚賢故禮尊尊貴貴
不得相踰所以爲禮也非其人不得服其服
所以順禮也順則上下有序德薄者退德盛
者縟故聖人處乎天子之位服玉藻遂延日

月升龍山車金根飾黃屋左纛所以副其德
章其功也賢仁佐聖封國愛民黼黻文繡降
龍路車所以顯其仁光其能也及其季末聖
人不得其位賢者隱伏是以天子微弱諸侯
脅矣於是相貴以等相讚以貨相賂以利天
下之禮亂矣至周夷王下堂而迎諸侯此天
子失禮微弱之始也自是諸侯宮縣樂食祭
以白牡擊玉磬朱干設錫冕而儻大武鄭玄注禮記曰此皆天子之禮也宮縣四面縣也干盾也錫傳其背如龜也武萬舞也白牡大路殷

天子之禮也白牡殷牡

大夫臺門旅樹反坫繡黼丹朱

中衣鏤簋朱紘此大夫之僭諸侯禮也鄭玄曰此

皆諸侯之禮也旅道也屏謂之樹所以蔽行道管氏樹塞門塞猶蔽也禮天子外屏諸侯內屏大夫以簾士以帷反坫反爵之坫也蓋在樽南兩君相見主君既獻於反爵焉繡黼丹朱以為中衣領緣也繡讀為綃綃繡名也詩云素衣朱綃又曰素衣朱襮襮領也鏤簋謂刻而飾之也大夫刻之為龜耳諸侯飾以象天子飾以玉朱紘天子冕之紘也諸侯青組大夫士當詩刺彼已之子不稱其服傷緇組紘纁纁邊
其敗化易譏負且乘致寇至言小人乘君子器盜思奪之矣自是禮制大亂弁革並作上

下無法諸侯陪臣山竅藻稅降及戰國奢僭
 益熾削滅禮籍蓋惡有害已之語竟修奇麗
 之服飾以輿馬文罽玉纓象鑣金鞍以相夸
 上爭錐刀之利殺入若刈草然而宗祀亦旋
 夷滅榮利在已雖死不悔及秦并天下攬其
 輿服上選以供御其次以錫百官漢興文學
 既缺時亦草創承秦之制後稍改定參稽六
 經近於雅正孔子曰其或繼周者行夏之正
 乘殷之輅服周之冕樂則韶舞故撰輿服著

之于篇以觀古今損益之義云上古聖人見
 轉蓬始知為輪輪行可載因物知生復為之
 輿輿輪相乘流運罔極任重致遠天下獲其
 利後世聖人觀於天視斗周旋魁方杓曲春
 緯曰瑤光第一至第四為魁秋
 第五至第七為杓合為斗以攜龍角為帝
 車於是迺曲其輶乘牛駕馬登險赴難周覽
 八極故易震乘乾謂之大壯言器莫能有上

之者也孝經接神契曰斗杓橈象成車房
為龍馬華蓋覆鉤天理入魁神不獨
居故駟駕陪乘以道踟躕宋均注曰房星既
體蒼龍又象駕駟馬故兼言之也覆鉤既覆

且鈎曲似蓋也天理

自是以來世加其飾至

奚仲為夏車正建其旂旒尊卑上下各有等

級世本云奚仲始作車古史考曰黃帝作車引重致遠其後少昊時駕牛禹時奚仲駕

馬臣昭案服牛乘馬以利天下其所起遠矣豈奚仲為始世本之誤史考所說是也周

室大備官有六職百工與居一焉周禮曰審

筮五材以辨民器謂之百工一器而群士致巧者車最多

是故具物以時六材皆良鄭玄曰取幹以

夏筋膠未聞自此至弧旌枉矢皆出周禮鄭玄曰即是周禮注輿方法地蓋

圓象天三十幅以象日月鄭玄曰輪象日月者以其運行也日

月三十日而合宿蓋弓二十八以象列星龍旂九旂

七仞齋軫鄭玄曰軫謂車後橫木以象大火鄭玄曰

侯之所建也大火蒼龍宿鳥旗七旂五仞齋

較鄭玄曰較者高繼木也以象鶉火鄭玄曰鳥隼為旗

朱鳥宿之柳熊旗六旂五仞齋有以象參伐

其屬有七星鄭玄曰熊虎為旗師都之所建龜旒四旂四

仞齋首以象營室鄭玄曰龜蛇為旒縣

連體而弧旌枉矢以象弧也鄭玄曰觀禮曰

四星輶則旌旗之屬皆有弧也弧以張終之幅有

衣謂之輶又為設矢象弧星有矢也妖星有

在矢者蛇行有尾且此云在矢蓋畫之玄註
禮含文嘉曰蓋旗有九名日月為常交龍為
旂通帛為旒雜帛為物熊虎為旗鳥隼為旟
龜蛇為旐全羽為旞羽為旌盧植註禮記
曰有銘曰旂于寶註周禮曰在矢象於星
非其義也枉蓋應為在直謂在矢於此
諸侯以下之所建者也
內白虎通曰居車中不
即察地前聞和鸞之聲旁見四方之運此車
教之道論語曰升車必正立執綬車中不內
顧所以有和鸞以正威儀能行舒疾也鸞者
在衡和者在軛馬動則鸞鳴鸞鳴則和應其
聲鳴曰和敬舒則不鳴疾則失音明得其和
也故詩云和鸞雍雍萬福攸同魯訓曰和設
戰者也鸞設衡者也詩慎曰詩云八鸞鑿鑿
則一馬二鸞也又曰輜車鸞鑿鑿知非衡也毛
詩傳曰在軛曰和在鑿曰鸞杜預註左傳亦
云鸞在鑿和在衡傳玄乘輿馬賦註曰鸞在

馬勒鑿于寶周禮註曰和鸞皆以金為鈴史
記曰前有錯衡所以養目也步中武象鑿中
韶護所以養耳也龍旂九旒所以養信也寢
兒持虎鮫鞶彌龍所以養威也故大路之馬
必信至教順然後
乘之所以養安也

天子五路

周禮王之五路一曰玉路二曰金
路三曰象路四曰革路五曰木路

釋名曰天子所乘曰路路亦
以玉為飾尚書

曰人路在賓階面綴路在阼階面孔安國曰
大路玉綴路金也服虔曰木路摠名也如今

駕駟高車矣尊卑俱乘之其采飾有差鄭玄
曰王在馬曰路以玉飾諸末也傳玄乘輿馬

賦注曰玉路重較也韻
集曰軛前橫木曰輅

錫樊纓十有再就鄭
曰錫面當盧刻金為之可謂鑊錫也樊讀如
鞶帶之鞶謂今馬木帶也鄭眾曰纓謂當胸

士喪禮曰馬纓三就以削革為之三就三重
三匝也鄭玄曰纓今馬鞅王路之樊及纓皆
以五采鬪飾之十二就就成也杜預曰纓在
馬脅前如索羈乘輿馬賦注曰繁纓飾以旄
尾金塗建太常十有二旒九仞曳地鄭眾曰
十有二重建太常十有二旒九仞曳地太常九
旒之畫日月者鄭玄曰七尺日月升龍象夫
為何天子之旗高六丈三尺
明也崔駰東巡頌曰登天靈夷王以下周室
衰弱諸侯大路秦并天下閱三代之禮或曰
殷瑞山車金根之色殷人以為大路於是始
根秦改曰金根乘輿馬漢承秦制御為乘輿
賦注曰金根以金為飾
所謂孔子乘殷之路者也

乘輿 金根 安車 立車
蔡邕曰五安五

日高車坐 輪皆朱班車牙
周禮曰牙也者以

乘曰安車 輪皆朱班車牙
為固抱也鄭眾曰

牙謂輪輅也世 貳轂兩轄
蔡邕曰轂外復有

復設轄抱銅置其中東京 金薄繆龍為輿倚
賈曰重輪貳轄跪轂飛輪

較徐廣曰繆交錯之形也較在箱上說文曰 龍首銜軛左
較文畫蕃蕃箱也通俗文曰車箱為較

文虎伏軾 魏都賦注曰軾車橫 龍首銜軛左
覆膝人所馮上者也

右吉陽籥鸞雀立衡 徐廣曰置金 植艾畫軒
鳥於衡上

羽蓋華蚤 徐廣曰翠羽蓋黃裏所謂黃屋車
也金華施撩未有二十八个

翠羽為蓋如雲龍矣金作華形莖著低曲建

大旂十有二旂畫日月升龍駕六馬

東京賦云六女

象鑣鏤錫金鏤方鉉插翟尾

獨斷曰金鏤者馬冠

也高廣各五寸上如三華形在馬鬣前方鉉

鐵也廣數寸在馬鏤後後有三孔插翟尾其

中薛綜曰鉉中央兩頭高如山形而貫中翟

尾結著之顏延之幼誥曰鉉乘輿馬頭上防

鉉角所以防罔羅針以翟尾鐵朱兼樊纓赤

翻象之也徐廣曰金為馬又髦朱兼樊纓赤

左騮馬軛上大如斗徐廣曰馬在中曰服在

外曰騮騮亦名駮祭服是為德車五時車安立亦皆如

之各如方色馬亦如之白馬者朱其髦尾為

朱鬣云所御駕六餘皆駕四後從為副車

尚書曰予臨兆民慍乎若朽索之馭六馬逸

禮王度記曰天子駕六馬諸侯駕四大夫三

士二庶人一周一禮四馬為乘毛詩天子至大

夫同駕四士駕二易京氏春秋公羊說皆云

天子駕六許慎以為天子駕六諸侯及卿駕

四大夫駕三士駕二庶人駕一史記曰秦始皇

耕車其飾皆如之有三蓋一曰芝車置軛未

新論桓譚謂揚雄曰

結之箠上親耕所乘也

君之為黃門郎居殿

帝車鸞旗曰鷄翹耕根曰三蓋其以并一也

義不著之故俗人多失其名五時副車曰五

命時諸侯皆獻乘黃朱乘亦四馬也今帝皆

駕六此自漢制與古異耳蔡邕表志曰以文

皇以水數制乘六馬鄭玄以為天子四馬周

禮乘馬有四圍各養一馬也諸侯亦四馬顏

帝乘馬有六許慎以為天子駕六諸侯及卿駕

四大夫駕三士駕二庶人駕一史記曰秦始皇

命時諸侯皆獻乘黃朱乘亦四馬也今帝皆

駕六此自漢制與古異耳蔡邕表志曰以文

皇以水數制乘六馬鄭玄以為天子四馬周

禮乘馬有六許慎以為天子駕六諸侯及卿駕

四大夫駕三士駕二庶人駕一史記曰秦始皇

命時諸侯皆獻乘黃朱乘亦四馬也今帝皆

駕六此自漢制與古異耳蔡邕表志曰以文

皇以水數制乘六馬鄭玄以為天子四馬周

禮乘馬有六許慎以為天子駕六諸侯及卿駕

中數見輿輦王垂華芝及鳳凰三蓋之屬皆
玄黃五色飾以金玉翠羽珠珞錦繡茵席者
也東京賦曰立戈也夏農與路木薛綜曰戈
句字戰憂長矛置車上者邪柱之也邪也是
謂戈路農輿三蓋所謂耕根車也漢儀親耕青衣
乘馬無飾故稱木也賀循曰漢儀親耕青衣
幘東京賦說親耕亦云鸞路蒼龍賀循曰車
必有鸞而春獨鸞路者鸞鳳類而色青故以
名春路也賦又曰介御間以刻藉薛綜曰藉
未金也廣五寸著未藉而載之天子車參乘
帝在左御在中介處
右以未置御之右

戎車其飾皆如之蕃以矛麾金鼓羽析幢

甲弩之箛漢制度曰戎立車以征伐周官其矢箛通俗文曰箭服謂

之步又于寶亦曰今謂之步又鄭玄注既夕曰服車箱也顏延之幼誥曰弩矢也

獵車其飾皆如之重輞縵輪繆龍繞之一曰

闕猪車親校獵乘之魏文帝改曰闕虎車太皇太后皇

太后法駕皆御金根重翟羽蓋者也加交路帳裳徐廣

曰青交路非法駕則乘紫罽輅車字林曰輅車有衣蔽

無後轆者謂之輅也釋名輅也四屏蔽婦人乘牛車也有邸曰輅無邸曰輅傳子曰周

曰輅車雲楹文畫輅黃金塗五末徐廣曰未詳疑謂前

一轆及衡蓋蚤左右駢駕三馬

長公主赤罽輅車

大貴人貴人公主王妃封君油畫輅車大貴

人加節畫輈皆右駢而已

皇太子皇子皆安車朱班輪青蓋金華蚤黑

楛文畫輻文輈金塗五朱皇子為玉鑄以乘

之故曰王青蓋車徐廣曰旂九旒畫降龍

魏武帝令問東平王有金

路何意為是特賜非侍中鄭稱對曰天子五

路金以其同姓諸侯得乘金路與天子同此

自得非也皇孫綠車以從皆左右駢駕三獨斷曰綠車

天子有公列侯安車朱班輪倚鹿較伏熊軾

孫乘之皇繪蓋黑輻右駢車有輻者

中二千石二千石皆皂蓋朱兩輻其千石六

百石朱左輻輻長六尺下屬廣八寸上業廣

尺二寸九文十二初後謙一寸若月初生示

不敢自滿也案本傳舊典傳車驂駕垂赤帷

承書曰孔恂字臣卿新淦人州別駕從事車

前舊有屏星如刺史車曲轡儀式是時刺史

行部發去日影刺史怒欲去別駕車屏星恂

諫曰明使君傳車自發晚而欲徹去屏星毀

國舊儀此不可行別駕可去屏星不可省即

投傳去刺史追辭謝請不肯還於是遂不

石以上右駢三百石以上皂布蓋千石以上
皂繒覆蓋二百石以下白布蓋皆有四維杠
衣賈人不得乘馬車除吏赤畫杠其餘皆青
云古今注曰武帝天漢四年令諸侯王大臣
朱輪特虎居前左見右麋小國朱輪畫特
熊居前寢麋居
左右御車者也

公列侯中二千石二千石夫人會朝若蠻各
乘其夫之安車右駢加交路帷裳皆皂非公
會不得乘朝車得乘漆布輜駟車銅五末
乘輿大駕公卿奉引太僕御大將軍參乘屬

車八十一乘薛綜曰屬之言相連備千乘萬

騎西都行祠天郊甘泉備之官有其注名曰

甘泉鹵簿蔡邕表志曰國家舊章
而幽僻藏莫之得見東都唯大

行乃大駕太僕校駕法駕黃門令校駕

乘輿法駕公卿不在鹵簿中河南尹執金吾

雒陽令奉引奉車郎御侍中參乘屬車四十

六乘前驅有九旂雲罕徐廣曰旂車有九乘
前史不記飛也正王

鳳凰闕戟薛
鳳凰闕戟

皮軒鸞旗應劭漢官鹵簿圖
曰乘輿大駕則御

鳳皇車以胡廣曰皆大夫載軒郭璞曰皮軒以鹿皮為

金根為列日即曲禮前有鷹旗者編羽旌列繫胡

日建蓋鷹旗以民或謂之雞翹非也胡廣曰

上與本說文曰後有金鉦黃鉞大斧也

執白鉞周黃門鼓車古者諸侯貳車九乘秦

滅九國兼其車服故太駕屬車八十一乘法

駕半之屬車皆皂蓋赤裏木輜戈矛弩箠尚

書御史所載最後一車懸豹尾薛綜曰侍

尾以前比省中小學漢官篇曰豹尾過後

尾之內為省中故須過後屯圍乃得解皆所

以戒不虞也淮南子曰軍正執豹皮所以制

正其衆禮記前載行祠天郊以法駕祠地明

堂省什三祠宗廟尤省謂之小駕每出太僕

奉駕上鹵簿中常侍小黃門副尚書主者郎

令史副侍御史蘭臺令史副皆執法以督整

車騎謂之護駕春秋上陵尤省於小駕直事

尚書一人從其餘令以下皆先行後罷

輕車古之戰車也洞朱輪輿不巾不蓋建矛

戟幢麾鞞輶徐廣曰置弩於載在武庫

大駕法駕出射聲校尉司馬吏士載以次屬
車在鹵簿中諸車有矛戟其飾幡旂幟皆
五采制度從周禮兵孫兵法云有巾有蓋謂
之武剛車武剛車者為先驅又為屬車輕車
為後殿焉

大使車立乘駕駟赤帷持節者重導從賊曹
車斧車督車功曹車皆兩大車伍百環弩十
二人辟車四人周禮滌狼氏于寶注
日今卒辟車之屬從車四
乘無節單導從減半小使車不立乘有駢赤

屏泥油重絳帷導無斧車近小使車蘭輿赤
轂白蓋赤帷從駟騎四十人此謂追捕考察
有所勅取者之所乘也諸使車皆朱班輪四
輻赤衡軛其送葬白亞已下洒車而後還公
卿中二千石二千石郊廟明堂祠陵法出皆
大車立乘駕駟他出乘安車
大行載車其飾如金根車加施組連璧交駱
四角金龍首銜璧垂五采析羽流蘇前後雲
氣畫帷裳楛文畫曲轡長懸車等太僕御駕

六、布施馬、布施馬者、淳白駱馬也。以黑藥灼其身為覘文。既下馬，在賣車藏城北，祕宮皆不得入城門。當用太僕考工，乃內飾治禮。吉凶不相干也。

公卿以下至縣，三百石長導從置門下五吏。賊曹督盜賊功曹皆帶劍三車，從導主簿主記兩車為從。縣令以上加導斧車，公乘安車。則前後并馬立乘。長安、雒陽令及王國都縣加前後兵車亭長。纂要：雒陽亭長車前吹管。設右駢駕兩

璽警車前伍伯公八人，中二千石二千石六百石皆四人，自四百石以下至二百石皆二人。黃綬武官伍伯文官辟車，軫下侍閣門闌部署街里走卒，皆有程品多少，隨所典領。

驛馬三十里一置。臣昭案：東晉猶有郵驛，共有驛行傳以相付。縣置屋二區，有承驛吏皆條所受書，每月言上。州郡風俗通曰：今吏郵書，掾府督郵職掌此。卒皆赤幘絳鞬，云古者軍出師旅皆從秦省，其卒取其師旅之名焉。公以下至二千石，騎吏四人，千石以下至三百石，縣長

二人皆帶劍持萊戟為前列捷弓鞬九鞬俗通

文曰弓鞬諸侯王法駕官屬傳相以下皆備

鹵簿似京都官騎張弓帶鞬遮迺出入稱課

促列侯家丞庶子導從若會耕祠主縣假給

辟車鮮明卒備其威儀導從事畢皆罷所假

諸車之文乘輿倚龍伏虎楹文畫輶龍首鸞

衡重牙班輪升龍飛軫薛綜曰飛軫以緹油

蒼龍右白虎繫軸頭二千石亦然但無畫耳

盧植禮記注曰軫鞬頭也楚辭云倚結軫兮

太息王逸注曰重較也李尤小車銘曰軫之

噓噓踰達開通案二家之言不如綜注所記

皇太子諸侯王倚虎伏鹿楹文畫輶轡吉陽

甯朱班輪鹿文飛軫旂旗九旂降龍公列侯

倚鹿伏熊黑轡朱班輪鹿文飛軫九旂降龍

卿朱兩轡五旂降龍二千石以下各從科品

諸轡車以上輓皆有吉陽甯諸馬之文案乘

輿金鏤方鈿挿翟象鏤爾雅注曰鏤馬勒龍

畫總沫升龍赤肩汗詩云朱幘鏤鏤毛傳曰

以爲鏤飾青兩翅鸞尾駙馬左右赤珥流蘇飛鳥

飾赤膺兼皇太子或亦如之王公列侯鏤錫

又髻朱鑣朱鹿朱文絳扇汗青翅鸞尾卿以下有駢者緹扇汗青翅尾當盧又髻上下皆通中二千石以上及使者乃有駢駕云

後漢書志第二十九

張泉同李荆安校正

後漢書志第三十

劉昭注補

輿服下

- | | | |
|-----|------|-----|
| 爵弁冠 | 通貌冠 | 長冠 |
| 高山冠 | 通天冠 | 皮弁冠 |
| 武冠 | 進賢冠 | 遠遊冠 |
| 巧士冠 | 建華冠 | 法冠 |
| 會樊冠 | 却非冠 | 方山冠 |
| 幘 | 術氏冠 | 却敵冠 |
| 印 | 佩 | 鶡冠 |
| 綠綬 | 黃赤綬 | 刀 |
| 黑綬 | 紫綬 | 赤綬 |
| 青緝綸 | 黃綬 | 青綬 |
| | 右夫人服 | |

上古穴居而野處衣毛而冒皮未有制度後世聖人易之以絲麻觀翬翟之文榮華之色

乃染帛以效之始作五采成以為服見鳥獸
有冠角顛胡之制遂作冠冕纓鞋以為首飾
凡十二章故易曰庖犧氏之王天下也仰觀
象於天俯觀法於地觀鳥獸之文與地之宜
近取諸身遠取諸物於是始作八卦以通神
明之德以類萬物之情黃帝堯舜垂衣裳而
天下治蓋取諸乾也乾也故上衣玄下
裳黃日月星辰山龍華蟲孔安國注尚書曰華象草華蟲雉也
作績宗彝古文尚書績作會孔安國曰以五采成此畫焉宗廟彝樽亦以山龍

華蟲為飾藻火粉米孔安國曰藻水草有文者火為飾
黼黻絺繡孔安國曰黼若斧形黻為兩己相背葛之精者曰絺五色備曰繡杜預注左傳曰白與黑謂之黼黑與青謂之黻
以五采章施于五色作服于五色作尊卑之服天子備章周禮注曰此古天子冕服十二章
公自山以下侯伯自華蟲以下子男自藻火以下卿大夫自粉米以下至周而變之以三辰為旂旗王祭上帝則大裘而冕鄭衆曰大裘羔裘服以祀天示質也
公侯卿大夫之服用九章以下鄭玄曰華蟲五色之蟲周禮績人職曰鳥獸蛇雜四時五色之位以

章之謂是也王者相變至周而以日月星辰
畫於旌旗所謂三辰旂旗昭其明也而冕服
九章初一日龍次二曰山次三曰華蟲次四
曰火次五曰宗彝皆畫以爲績次六曰藻次
七曰粉米次八曰黼次九曰黻皆飾以爲繡
則衮之衣五章裳四章九也鷩畫以爲雉謂
華蟲也其衣三章裳四章九也鷩畫以爲
謂宗彝也其衣三章裳二章九也絺刺粉
米無畫也其衣一章裳二章九三章也法言
曰聖人文質者也車服以彰之藻色以明之
聲音以揚之詩書以光之籩豆不陳玉帛不
分琴瑟不鏗鍾鼓不眩吾無以見乎聖也

秦以戰國即天子位滅去禮學郊祀之服皆
以衲玄漢承秦故至世祖踐祚都于上中始
修三雍正北七郊顯宗遂就大業初服旒冕

衣裳文章赤舄約履以祠天地養三老五更
於三雍于時致治平矣天子三公九卿特進
侯侍祠侯祀天地明堂皆冠旒冕衣裳玄上
纁下東觀書曰末平二年正月公卿議春南
北郊東平王蒼議曰孔子曰行夏之時
乘殷之輅服周之冕爲漢制法高皇帝始受
命創業制長冠以入宗廟光武受命建
明堂立辟雍陛下以聖明奉遵以禮服龍衮
祭五帝禮缺樂崩久無祭天地冕服之制按
尊事神祇絜齋盛服敬之至也日月星辰
龍華藻天王衮冕十有二旒以則天數旂有
龍音日月以備其文今祭明堂宗廟圓以法
天方以則地服以華文象其物宜以降神明
肅雍備思博其類也天地之
禮冕冠裳衣宜如明堂之制

乘輿備文日月

星辰十二章三公諸侯用山龍九章九卿以下用華蟲七章皆備五采大佩赤舄絢履以承大祭百官執事者冠長冠皆祗服五嶽四瀆山川宗廟社稷諸沾秩祠皆衾玄長冠五郊各如方色云百官不執事各服常冠衾玄以從

冕冠垂旒前後邃延邃垂也延冕上覆玉藻周禮曰五采繅

十有二就皆五采玉十有二玉笄朱紘鄭玄注曰繅雜文之名也合五采絲為之繩垂於延之前後各十二所謂邃延也就成也繩之每一一巾而貫五采玉十有二旒則十二玉也

每就間蓋一寸朱紘以朱組為紘也紘一條屬兩端於武此為袞衣之冕十一旒則用玉

二百八十八驚衣之冕繅九旒用玉二百一十六毳衣之冕七旒用玉百六十八絺衣之冕五旒用玉百二十一玄衣之冕三旒用玉七十一

孝明皇帝永平二年初詔有司采周官禮記尚書臯陶篇乘輿服從歐陽氏說公卿以下從大小夏侯氏說

冕皆廣七寸長尺二寸前圓後方朱綠裏玄上前垂四寸後垂三寸係白玉珠為十二旒

以其綬采色為組纓說文曰組綬屬也小者冠朱組纓天子之服是也三公諸侯七旒青玉為珠卿大

夫五旒黑玉為珠旒獨斷曰三公諸侯九旒與此不同皆有

前無後各以其綬采色為組纓旁垂黹纒呂

曰黹黃色也黃綿為之禮緯曰旒垂目纒塞

耳王者視不聽讒不視非也薛綜曰以珩玉

為充耳也詩云充耳琇瑩瑩毛萇傳曰充耳

謂之瑱天子玉瑱琇瑩瑩瑩也諸侯以石

天地宗祀明堂則冠之蔡邕曰鄙人不識謂之平天冠衣裳

玉佩備章采乘輿刺繡公侯九卿以下皆織

成陳留襄邑獻之云

長冠一曰齋冠高七寸廣三寸促漆纒為之

制如板以竹為裏初高祖微時以竹皮為之

謂之劉氏冠楚冠制也民謂之鵲尾冠非也

祀宗廟諸祀則冠之皆服衲玄獨斷曰衲緋

曰衲卓絳緣領袖為中衣絳綉紉示其赤心

奉神也五郊衣幘綉紉各如其色此冠高祖

所造故以為祭服尊敬之至也

委貌冠皮弁冠同制長七寸高四寸制如覆

杯前高廣後卑銳所謂夏之母追殷之章甫

者也委貌以皂絹為之皮弁以鹿皮為之行

大射禮於辟雍公卿諸侯大夫行禮者冠委

貌

貌衣玄端素裳

鄭衆周禮傳曰衣有襦裳者為端鄭玄曰謂之端取其正

也正者土之衣袂皆二尺二寸而屬幅是廣也其袂尺二寸大夫以上侈之侈者蓋半而益一焉半而益一則其袂三尺三寸袂尺八寸

衣緇麻衣皂領袖下素裳所謂皮弁素積者

也皮弁質也石渠論玄冠朝服戴聖曰玄冠委貌也朝服布上素下緇帛帶素韋鞞白

積素以為裳也言要中辟積也

爵弁一名冕廣八寸長尺二寸如爵形前小

後大繒其上似爵頭色有收持筓所謂夏收

殷皞者也獨斷曰殷黑而微白前大而後小夏繒黑亦前小而後大皆以三十

六升漆布為之詩云常服黼皞書曰王與大夫畫弁上古皆以布中古以絲孔子曰麻冕禮也今祠天地五郊明堂雲雉舞樂人服之也純儉祠

禮曰朱干玉鉞鄭玄曰朱干赤鉞斧也冕而舞太夏

此之謂也

通夫冠高九寸正豎頂少邪却乃直下為鐵

卷梁前有山展筓無述乘輿所常服獨斷曰漢受之

秦禮服衣深衣制有袍隨時五色袍者或曰

周公抱成王宴居故施袍禮記孔子衣逢掖

之衣縫掖其袖合而縫大之近今袍者也今

下至賤更小史皆通制袍單衣皂緣領袖中衣為朝服云

遠遊冠制如通天有展簪橫之於前無山述

諸王所服也獨斷曰禮無文

高山冠一曰側注制如通天不邪却直豎無

山述展簪獨斷曰鐵為卷梁高九寸漢書音義曰其體側立而曲注中外

官謁者僕射所服太傅胡廣說曰高山冠蓋

齊王冠也秦滅齊以其君冠賜近臣謁者服

之史記酈生初見高祖儒衣而冠側注漢舊儀曰乘輿冠高山冠飛月之纓幘耳赤丹

納裏衣帶七尺軻蛇劔履虎尾絢履案此則亦通于天子

進賢冠古緇布冠也文儒者之服也前高七

寸後高三寸長八寸公侯三梁胡廣曰車駕巡狩幸其國

諸侯衣玄端之衣冠九旒之冕其盛法服以就位也今列侯自不奉朝請侍祠祭者不得服此皆常三梁冠卓單衣其歸國流黃衣卓

云晉公卿禮秩曰大傅司空司徒著進賢三梁冠黑介幘

中二千石以下至博士兩梁自博士

以下至小史私學弟子皆一梁宗室劉氏亦

兩梁冠示加也獨斷曰漢制禮無文荀綽

書陳忠以為令史質堪上言太官宜著兩梁尚書孟希奏太官職在鼎俎不列陞位堪欲

令比大夫兩梁冠不宜許臣伏惟太官令職
在典掌王獲統六清之飲列八珍之饌正百
品之羞納四方之貢所奉尤重思又勤明
詔慎口實之御防有敗之姦增崇其選侍御
史主捕案太醫令奉方藥供養符節令掌帳
信金虎故位從大夫車有鞞沂冠有兩梁所
以殊親疎別內外也太官令以供養言之為
最親近以職事言之為最煩多令又高選又
執法比太醫令科同服等而冠二人殊名實
不嗣又博士秩卑以其傳先王之訓故尊而
異之念服大夫之冕猶此言之兩梁冠非必
列於階位也建初中太官令兩梁冠春秋之
義大於後古如堪言合曲可施行克厭帝心
即聽用之獻帝起居注曰中平六年令三府
長史兩梁冠五時衣袍
事位從千石六百石

法冠一曰柱後獨斷曰柱後惠文

高五寸以纒為展

筓前書注曰纒今之纒通俗文憤裏曰纒鐵柱卷荀綽晉百官表注曰鐵柱

言其厲直不曲撓執法者服之侍御史廷尉正監平

也或謂之獬豸冠獬豸神羊能別曲直楚王

嘗獲之故以為冠異物志曰東北荒中有獸名獬豸一角性忠見人鬪

則觸不直者聞人論則不正者楚執法者

所服也今冠兩角非象也臣昭曰或謂獬豸

安非定名在兩角未足斷正胡廣說曰春秋

左氏傳有南冠而縶者則楚冠也秦滅楚以

其君服賜執法近臣御史服之廿六武冠一云古緇布冠之象也或曰繁冠一曰武弁太冠諸武

官冠之

晉公卿禮秩曰大司馬將軍尉驃騎車騎衛軍諸大將軍開府從公者著

武冠平上幘

侍中中常侍加黃金璫附蟬為文貂

尾為飾謂之趙惠文冠

又名鷄

胡廣說曰趙

武靈王效胡服以金璫飾首前插貂尾為貴

職秦滅趙以其君冠賜近臣

應劭漢官曰說者以金取堅剛

百鍊不耗蟬居高飲禦口在腋下貂內勁捍而外溫潤此因物生義也徐廣曰趙武靈王

胡服有此秦即漢而用之說者蟬取其清高飲露而不食穀紫蔚采潤而毛采不彰灼故

於義亦取胡廣又曰意謂北方寒涼本以貂皮暖額附施於冠因遂變成首飾建武

時匈奴內屬世祖賜南單于衣服以中常侍

惠文冠中黃門童子佩刀云

建華冠以鐵為柱卷貫大銅珠九枚制以縷

鹿獨斷曰其狀若婦人縷鹿薛綜曰下輪大上輪小

記曰知天者冠

述知地者履絢春秋左傳曰鄭子臧好鷄冠

前圓以為此則是也

說文曰鷄知天將雨鳥也

天地五郊

明堂育命舞樂人服之

方山冠似進賢以五采縠為之祠宗廟木弓

八佾四時五行樂人服之冠衣各如其方之

色而舞焉

巧士冠高七寸要後相通直豎不常服唯郊

天黃門從官四人冠之在鹵簿中次乘輿車

前以備官者四星云獨斷曰禮無文

却非冠制似長冠下促官殿門吏僕射冠之

負赤幡青翅燕尾諸僕射幡皆如之獨斷曰禮無文

却敵冠前高四寸通長四寸後高三寸制似

進賢衛士服之獨斷曰禮無文

樊噲冠漢將樊噲造次所冠以入項羽軍廣

九寸高七寸前後出各四寸制似冕司馬殿

門大難衛士服之或曰樊噲常持鐵楯聞項

羽有意殺漢王噲裂裳以裹楯冠之入軍門

立漢王旁視項羽

術氏冠前圓其制差池邈迤四重趙武靈王

好服之今不施用官有其圖注淮南子曰楚莊王亦復離

冠者是蔡邕曰其說未聞

諸冠皆有纓鞋執事及武吏皆縮纓垂五寸

武冠俗謂之木冠環纓無鞋以青系為緄加

雙鶡尾豎左右為鶡冠云莊子曰纓胡之纓武士之服是也

五官左右虎賁羽林五中郎將羽林左右監
皆冠鶡冠紗縠單衣虎賁將虎文袴白虎文
劍佩刀虎賁武騎皆鶡冠虎文單衣襄邑歲
獻織成虎文云鶡者勇雉也其鬪對一死乃
止故趙武靈王以表武士秦施之焉徐廣曰鶡似黑雉出於上黨荀綽晉百官表注曰冠插兩鶡
鷲鳥之暴疏者也每所攫撮應瓜摧斲天子武騎故以冠焉傳玄賦注曰羽騎騎者戴鶡
安帝立皇太子太子謁高祖廟世祖廟門大
夫從冠兩梁進賢洗馬冠高山罷廟侍御史

任方奏請非乘從時皆冠一梁不宜以為常
服事下有司尚書陳忠奏門大夫職如諫大
夫洗馬職如謁者故皆服其服先帝之舊也
友言可寢奏可謁者古者一名洗馬古今注
十三年初令今長皆小冠獨斷曰公卿侍中尚書衣卓而一朝者曰朝臣諸營校尉將大夫以下不為朝臣
古者有冠無幘其戴也加首有頰所以安物
故詩曰有頰者弁此之謂也三代之世法制
滋彰下至戰國文武並用秦雄諸侯乃加其

武將首飾為絳帟以表貴賤其後稍緝作顏
題漢興續其顏却摻之施巾連題却覆之今
喪幘是其制也名之曰幘幘者隳也頭首嚴
隳也至孝文乃高顏題續之為耳崇其中為
屋合後施收上下群臣貴賤皆服之文者長
耳武者短耳稱其冠也尚書幘收方三寸名
曰納言示以忠正顯近職也迎氣五郊各如
其色從章服也皂衣群吏春服青幘立夏乃
止助微順氣尊其方也武吏常赤幘成其威

也未冠童子幘無屋者示未成人也入學小

童幘也句卷屋者示尚幼少未遠冒也喪幘

却摻反本禮也升數如冠與冠偕也期喪起

耳有收素幘亦如之禮輕重有制變除從漸

文也獨斷曰幘古者卑賤執事不冠者之所

知不冠者之所服也元帝額有壯髮不欲使人見始進幘服之群臣皆隨焉然尚無巾故言王莽禿幘施屋冠進賢者宜長耳冠惠文者宜短耳各隨其宜漢舊儀曰九齋緋幘耕青幘秋緇劉服緋幘

古者君臣佩玉尊卑有度上有鞞

徐廣曰鞞如巾蔽膝

貴賤有殊佩所以章德服之衷也鞞所以執
事禮之共也故禮有其度威儀之制三代同
之五霸迭興戰兵不息佩非戰器鞞非兵旗
於是解去紱佩留其係璪徐廣曰今以爲章名璪爲璪
表故詩曰鞞鞞佩璪此之謂也鞞鞞佩璪王貌璪瑞也鄭玄
箋曰佩璪者以瑞玉爲佩佩之鞞鞞然紱佩既廢秦乃以采組
連結於璪光明章表轉相結受故謂之紱漢
承秦制用而弗改故加之以雙印佩刀之飾
至孝明皇帝乃爲大佩衝牙雙璪璜皆以白

玉詩云雜佩以贈之毛萇曰珩璜璪璪衝牙
之類月令章句曰佩上有雙衝下有雙璜
璪璪以雜之衝牙蟻珠以納其間王藻曰右
徵角左官羽進則揖之退則揚之然後玉璪
鳴焉纂要曰璪璪所以納乘輿落以白珠公
間在玉之間今白珠也

卿諸侯以采絲其視冕旒爲祭服云

佩刀乘輿黃金通身貂錯半鮫魚鱗金漆錯
雌黃室五色罽隱室華諸侯王黃金錯環挾
半鮫黑室公卿百官皆純黑不半鮫小黃門
雌黃室中黃門朱室童子皆虎爪文虎黃黃
室虎文其將白虎文皆以白珠鮫爲劍口之

飾通俗文曰乘輿者加翡翠山紆嬰其側左

曰藻繹鞞鞞杜預曰鞞佩刀削上飾鞞下飾也鄭玄詩箋曰既爵命賞賜而加賜容刀有

飾顯其能制斷也春秋繁露曰劍之在左青龍之象也刀之在右白虎之象也戟之在前

朱鳥之象也冠之在首玄武之象也四者人之盛飾也臣昭案自天子至于庶人咸皆帶

劍劍之與刀形制不同名稱各異故蕭何劍履上殿不稱爲刀而此志言不及劍如鳥未

備

佩雙印長寸二分方六分乘輿諸侯王公列

侯以白玉中二千石以下至四百石皆以黑

犀三百石以至私學弟子皆以象牙上合絲

乘輿以滕貫白珠赤罽鞞諸侯王以下以綉

赤絲鞞滕綉各如其印質刻書文曰正月剛

卯既決靈爻四方赤青白黃四色是當帝令

祝融以教夔龍庶疫剛瘳莫我敢當疾日嚴

卯帝令夔化慎爾周伏化茲靈爻既正既直

既觚既方庶疫剛瘳莫我敢當凡六十六字

前書注云以正月卯日作

乘輿黃赤綬四采黃赤紺縹淳黃圭長丈九

尺九寸五百首漢舊儀曰璽皆白玉螭虎紐文曰皇帝行璽皇帝之璽皇

帝信璽天子，行璽天子，之璽天子，信璽凡六
璽，皇帝行璽九封，之璽賜諸侯王，書信璽發
兵，徵大臣，天子行璽策拜外國，事天地鬼神
璽皆以武都紫泥封，青囊白素裏，兩端無縫
尺一板中，約署皇帝帶，綬黃地六采，不佩璽
璽以金銀，滕組侍中組，負以從，秦以前民皆
佩綬，金玉銀銅犀象為方寸，璽各服所好，奉
璽書使者乘馳，傳其驛騎也，三騎行晝夜千
里，為程，吳書曰：漢室之亂，天子北詣河上，六
璽不自隨，掌璽者投井中，孫堅北討董卓，頓
軍城南，官署有井，每旦有五采氣從井出，堅
使入浚井，得傳國璽，其文曰：受命于天，既壽
永昌，方圍四寸，上有紐，文槃五龍，增七寸，管
龍上，一角缺，獻帝起居注曰：時六璽不自隨
及還於閣上，得晉陽秋曰：冉閔大將將軍蔣
幹以傳國璽付河南太守戴施，施獻之百僚，
皆賀，璽光照洞徹，上蟠螭，文隱起，書曰：昊天
之命，皇帝壽昌，秦舊璽也，徐廣曰：傳國璽文

曰受天之命，
皇帝壽昌

諸侯王赤綬

徐廣曰：太子及諸王，
金印龜紐，纁朱綬

四采赤黃

縹紺淳赤圭，長二丈一尺，三百首

荀綽晉百
官表注曰

皇太子朱綬
三百二十首

太皇太后皇太后其綬皆與乘輿同，皇后亦

如之，長公主天子貴人與諸侯王同綬者，加

特也

諸國貴人相國皆綠綬，三采綠紫紺淳綠圭

長二丈一尺，二百四十首

前書曰：相國丞相
皆秦官，金印紫綬

高帝相國綠綬徐廣曰金印綠綬綬音戾
草名也以染似綠又云似紫紫綬名綯綬音
瓜其色青紫綬字亦藍音同也傳寫者誤遂
作繫公加殊禮皆服之何承天云綯音媯青
紫色綬綬
紫色也

公侯將軍紫綬二采紫白淳紫圭長丈七尺

百八十首前書曰太尉金印紫綬御史大夫
位上卿銀印青綬成帝更名大司

空金印紫綬將軍亦金印漢官儀曰馬防為
車騎將軍銀印青綬在卿上絕席和帝以寶

憲為車騎將軍始加金印次司空公主封君服紫綬

九卿中二千石二千石青綬三采青白紅淳

青圭長丈七尺百二十首一號青自青綬以

上綬皆長三尺二寸與綬同采而首半之綬

者古佩璪也佩綬相迎受故曰逆紫綬以上

逆綬之間得施玉環鑄云通俗文曰缺環曰

獄者印
為章也

千石六百石黑綬三采青赤紺淳青圭長丈

六尺八十首四百石三百石長同漢官曰尚
書僕射銅

印青
綬

四百石三百石二百石黃綬淳黃圭一采長

丈五尺六十首自黑綬以下逆綬皆長三尺

與綬同采而首半之

百石青紺綸一采宛轉繆織長丈二尺漢儀

載太僕太中大夫襄言乘輿綬黃地冒白羽青絳綠五采四百首長二丈三尺詔所下王

綬冒亦五采上下無差諸王綬四采絳地冒白羽青黃去綠二百六十首長二丈二尺公

主綬如王侯絳地紺縹三采百二十首長丈八尺二千石綬羽青地桃花縹三采百二十

首長丈八尺黑綬羽青地絳二采八十首長一丈七尺黃綬一采八十首長丈七尺以爲

常式民織綬不如式沒入官犯者爲不敬二千石綬以上禁民無得織以粉組皇太后詔

可王綬如所下

凡先合單紡爲一系四系爲一技五扶爲一

首五首爲一文文來淳爲一圭首多者系細

少者系麤皆廣尺六寸東觀書曰建武元年

綬公侯金印紫綬九卿執金吾河南尹秩皆中二千石大長秋將作大匠度遼諸將軍郡

太守國傳相皆秩二千石校尉中郎將諸郡都尉諸國行相中尉內史中護軍司直秩皆

二千石以上皆銀印青綬中外官尚書令御史中丞治書侍御史公將軍長史中二千石

丞正平諸司馬中宮王家僕雒陽令秩皆千石尚書中謁者黃門冗從四僕射諸都監中

外諸都官令都侯司農部丞郡國長史丞候司馬千人秩皆六百石家令侍僕秩皆六百

石雒陽市長秩四百石主家長秩皆四百石以上皆銅印黑綬諸署長梅權丞秩三百石

諸秩千石者其丞尉皆秩四百石秩六百石者丞尉秩三百石

石縣國丞尉亦如之縣國三百石長丞尉亦
二百石明堂靈臺丞諸陵校長秩二百石丞
尉校長以上皆銅印黃綬縣國守官令相或
千石或六百石長相或四百石或三百石長
相皆以銅印黃綬而有秩者侍中中常侍光
祿大夫秩皆二千石太中大夫秩皆比二千
石尚書諫議大史侍御史博士皆六百石議
郎中謁者秩皆比六百石小黃門黃門侍郎
中黃門秩皆比四百石郎中秩皆
比三百石太子舍人秩二百石

太皇太后皇太后入廟服紺上皂下蠶青上
縹下皆深衣制徐廣曰即單衣隱領袖綠以條翦鬣
齒簪珥珥耳璫垂珠也簪以瑇瑁為擗長一尺
端為華勝上為鳳凰爵以翡翠為毛羽下有

白珠垂黃金鑷左右下橫簪之以安齒結諸
簪珥皆同制其擗有等級焉

皇后謁廟服紺上皂下蠶青上縹下皆深衣
制隱領袖綠以條假結步搖簪珥步搖以黃

金為山起貫白珠為桂枝相繆一爵九華熊
虎赤羆天鹿辟邪南山豐大特六獸詩所謂

副笄六珈者毛詩傳曰副者后夫人之首飾
編髮為之笄衛笄也珈笄飾之最盛者所以
別尊卑鄭玄曰珈之言加也副既笄而加飾
如今步搖上飾古之制所未聞

諸爵獸皆以翡翠為毛羽金題白珠璫繞以

翡翠為華云

貴人助蠶服純縹上下深衣制大手結墨瑋瑁又加簪珥

長公主見會衣服加步搖公主大手結皆有簪珥衣服同制

自公主封君以上皆帶綬以采組為緹帶各如其綬色黃金辟邪首為帶鐻飾以白珠

公卿列侯中二千石二千石夫人紺繒茵黃金龍首銜白珠魚須擗長一尺為簪珥入廟

佐祭者皂綃上下助蠶者縹綃上下皆深衣

制緣自二千石夫人以上至皇后皆以蠶衣

為朝服公主貴人妃以上嫁娶得服錦綺羅

縠繒采十二色重緣袍特進列侯以上錦繒

采十二色六百石以上重練采九色禁丹紫

紺三百石以上五色采青絳黃紅綠二百石

以上四采青黃紅綠賈人紺縹而已博物記曰交州

南有虫長減一寸形似白英不知其名視之無色在陰地多紺色則赤黃之色也

列侯以下皆單緣襪制文繡為祭服自皇后

以下皆不得服諸古麗主慘閨緣加上之服
司馬相如大人賦曰重旬始以為慘注云葆下旒也則慘之容如旌旒也建武末
平禁絕之建初永元又復中重於是世莫能
有制其裁者乃遂絕矣
蔡邕表志曰永平初詔書下車服制度中宮皇太子親服重繒厚練浣已復衛卒下以儉化起機諸侯王以下至于士庶嫁娶被服各有科品當傳萬世揚光聖德臣以為宜集舊事儀注本奏以成志也凡冠衣
諸服旒冕長冠委貌皮弁爵弁建華方山高
士衣裳文繡赤舄服約履木屨皆為祭服其
餘悉為常用朝服唯長冠諸王國謁者以為

常朝服云宗廟以下祠祀皆冠長冠皂繒袍
單衣絳緣領袖中衣絳綉練五郊各從其色
焉

贊曰車輅各庸旌旒異局冠服致美佩紛璽
玉敬敬報情尊尊下欲孰夸華文匪豪麗纏



後漢書志第三十

寧國路學正王 師道 校正

出與事志第三十

...

...

...

...

...

...

